



M E D I J I M A

BiH -Turska: Bankarska supervizija - Memorandum o saradnji

Predstavnici Agencije za bankarsku regulativu i superviziju Republike Turske, Centralne banke BiH (CBBH) i entitetskih agencija za bankarstvo u BiH potpisali su 12.06.2009. godine u Sarajevu Memorandum o razumijevanju i saradnji u oblasti nadzora nad poslovanjem banaka.

Agencija za bankarsku regulativu i superviziju Turske, CBBH i agencije za bankarstvo Federacije BiH i Republike Srpske potpisivanjem ovog Memoranduma izražavaju spremnost da sarađuju u oblasti supervizije finansijskih institucija koje posluju na teritoriji Turske i BiH.

Predmet Memoranduma o razumijevanju je saradnja potpisnika u oblasti supervizije prekograničnih ispostava finansijskih institucija, čije se sjedište nalazi u Turskoj, odnosno u BiH, s ciljem vršenja efikasne konsolidovane supervizije finansijskih institucija koje posluju izvan zemalja u kojima se nalaze njihova sjedišta.

Potpisnice Memoranduma će nastojati da omoguće blagovremeno obavještanje i dostavljanje relevantnih informacija u pogledu značajnih supervizorskih pitanja vezano za prekogranične ispostave.

Memorandum o razumijevanju i saradnji stupa na snagu danom potpisivanja.

Ured FBA za informisanje